

BOSNA I HERCEGOVINA
OSNOVNI SUD BRČKO DISTRIKTA BiH
Broj: 96 0 K 162571 24 Kps
Brčko, 18.04.2024. godine

U IME BRČKO DISTRIKTA BOSNE I HERCEGOVINE!

Osnovni sud Brčko distrikta BiH, sudija Ević Sanja uz sudjelovanje zapisničara Niketić Milice u krivičnom predmetu protiv optuženog I. J., zbog krivičnog djela – Laka tjelesna povreda – iz člana 170. stav 1. Krivičnog zakona Brčko distrikta BiH, na javnom pretresu za izricanje krivično-pravne sankcije održanom dana 18.04.2024. godine u prisustvu tužioca Ivanović Radmila i optuženog I.J., donio je i javno objavio

P R E S U D U

OPTUŽENI:

I.J., zvan "DŽ", sin J. i majke P., djevojački R., rođen... u P., nastanjen na adresi P. B.d.BiH, po narodnosti ..., državljanin..., JMB: , po zanimanju..., zaposlen u... G.R., oženjen, otac dvoje djece, pismen završi osrednju stručnu spremu, nije služio vojsku, ne vodi se u vojnoj evidenciji, neodlikovan srednjeg imovnog stanja, neosuđivan,

K R I V J E

ŠTO JE:

Dana 29.09.2023. godine oko 18.00 časova u sportskoj kladionici „Bet one“ koja se nalazi u mjestu Palanka, u toaletu zatekao D. J. i obratio mu se riječima „Šta ti puštaš preglasnu muziku“ i „Hoćeš ikad više“, pa u namjeri da mu nanese laku tjelesnu povredu, a što je i htio, zatvorenom šakom zadao mu više udaraca u predjelu glave i leđa, pri čemu mu je nanio lake tjelesne povrede u vidu nagnječenja glave, trzajne povrede vrata i nagnječenja regije grudne kičme,

čime je počinio krivično djelo - Laka tjelesna povreda iz člana 170. stav 1. Krivičnog zakona Brčko distrikta BiH, pa sud na osnovu člana 337. stav 2. Zakona o krivičnom postupku Brčko distrikta BiH, izdaje

KAZNENI NALOG

Na osnovu citiranih propisa, te primjenom članova 42., 49., 60., 61. i 62. Krivičnog zakona Brčko distrikta BiH, sud optuženom izriče

USLOVNU OSUDU

OPTUŽENOM I.J. TVRĐUJE SE KAZNA ZATVORA U TRAJANJU OD 30 (trideset) dana, koja s neće izvršiti ukoliko optuženi u roku od 1(jedne) godine ne počini novo krivično djelo.

Optuženi se oslobađa plaćanja troškova krivičnog postupka.

Oštećeni J.D. se sa imovinsko-pravnim zahtjevom u cijelosti upućuje na parnicu.

Obrazloženje

Tužilaštvo Brčko distrikta BiH podnijelo je ovom sudu Optužnicu broj: ... od ... godine, protiv optuženog I.J., kojom mu je stavljeno na teret krivično djelo – Laka tjelesna povreda – iz člana 170. stav 1. Krivičnog zakona Brčko distrikta BiH, te na osnovu člana 334. Zakona o krivičnom postupku Brčko distrikta BiH, zatražilo od Osnovnog suda da se prema optuženom izda kazneni nalog kojim će mu se izreći Uslovna osuda, kojom mu se utvrđuje kazna zatvora u trajanju od 30 dana, koja se neće izvršiti ukoliko optuženi u roku od 1 godine ne počini novo krivično djelo.

Na osnovu člana 310. stav 1. Zakona o krivičnom postupku Brčko distrikta BiH, sud je navedenu Optužnicu potvrdio dana 25.03.2024. godine i zakazao saslušanje optuženog.

Na saslušanju održanom 18.04.2024. godine optuženi I.J. izjavio je da priznaje krivicu i da prihvata predloženu krivičnu sankciju.

Sud je izvršio uvid u:

- Službenu zabilješku o prijemu prijave putem telefona, Operativno-komunikacijski centar, Policija Brčko distrikta BiH,
- Službenu zabilješku Jedinice opšte Policije, Policija Brčko distrikta BiH, broj 14.01-04.12-74225/23 od 29.09.2023. godine,
- Službenu zabilješku o prikupljanju obavještenja Jedinice opšte policije, Policija Brčko distrikta BiH, broj 14-01-04.12-74227/23 od 29.09.2023. godine,
- Službenu zabilješku o prikupljanju obavještenja Jedinice opšte policije, Policija Brčko distrikta BiH, broj 14-01-04.12-74226/23 od 29.09.2023. godine,

- Izvještaj sa fotodokumentacijom Jedinice kriminalističke policije, Policija Brčko distrikta BiH, broj 14.02.6-04.4-79811/23 od 20.10.2023. godine,
- Nalaz i mišljenje ljekara JZU „Zdravstveni centar Brčko“ broj 7195 od 29.09.2023. godine,
- Nalaz i mišljenje ljekara JZU „Zdravstveni centar Brčko“ od 02.10.2023. godine,
- Naredbu za vještačenje tjelesnih povreda vještaku doktoru Dautu Hadžiću od 18.12.2023. godine,
- Nalaz i mišljenje sudskog vještaka od 25.12.2023. godine
- Rješenje o isplati troškova vještaku broj T 18 0 KT 0017295 23 od 01.02.2024. godine,
- Izvod iz kaznene evidencije za lice J.I. od 06.11.2023. godine.

Svestrano cijeneći sve provedene dokaze pojedinačno kao i u njihovoj uzajamnoj vezi, te uzimajući u obzir priznanje optuženog, sud je utvrdio da je optuženi I.J. počinio krivično djelo – Laka tjelesna povreda – iz člana 170. stav 1. Krivičnog zakona Brčko distrikta BiH, na način opisan u dispozitivu Presude.

Razmatrajući krivičnu sankciju predloženu u kaznenom nalogu, odnosno uslovnu osudu, kojom se optuženom utvrđuje kazna zatvora u trajanju od 30 dana, koja se neće izvršiti ako u roku od 1 godine ne počinu novo krivično djelo, sud je smatrao adekvatnom težini počinjenog krivičnog djela, te da će se na taj način postići svrha kažnjavanja iz člana 42. Krivičnog zakona Brčko distrikta BiH.

Na osnovu člana 188. stav 4. Zakona o krivičnom postupku Brčko distrikta BiH sud je optuženog oslobodio plaćanja troškova krivičnog postupka, jer bi njihovim plaćanjem bilo dovedeno u pitanje njegovo izdržavanje.

Sud je oštećenog J.D. na osnovu člana 198. stav 1. Zakona o krivičnom postupku Brčko distrikta BiH, sa imovinsko pravnim zahtjevom u cijelosti uputio na parnicu.

Kako su se stranke odrekle prava na žalbu, Presuda je pravosnažna dana 18.04.2024. godine.

Zapisničar
Niketić Milica

S u d i j a
EVIĆ SANJA

PRAVNA POUKA:

Protiv ove Presude žalba nije dozvoljena.